



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 22-04-44-1-36/19
Sarajevo, 06.02.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 05.02.2019. do 07:00 sati 06.02.2019. godine

Kantonalni operativni centar civilne zaštite je dana, 06.02.2019. godine u 03:05 sati primio informaciju od Policijske stanice Centar, da je u naselju Nahorevo, Općina Centar, nestala jedna muška osoba. Dežurni u Kantonalnom operativnom centru civilne zaštite u skladu sa propisanim procedurama odmah je obavijestio dežurnog u Općinskom operativnom centru civilne zaštite Centar koji je angažovao Gorsku službu spašavanja Stanica - Centar. Pripadnici GSS Stanica - Centar su odmah izašli na lice mjesta, a u akciju traženja uključili i psa koji je obučen i osposobljen za traženje nestalih lica. Nestala osoba do zaključivanja ovog izvještaja nije pronađena.

Prema izvještajima iz Općinskih operativnih centara civilne zaštite sve rijeke i potoci na području Kantona Sarajevo su se povukli u svoja korita, te je nivo svih vodostaja i dalje u opadanju.

Kantonalna uprava civilne zaštite Kantona Sarajevo, je u skladu sa Zaključkom Vlade Kantona Sarajevo, broj: 02-05-2486-1/19 od 04.02.2019. godine, jučer u 07:30 sati, poslala ekipu svoje Profesionalne vatrogasne jedinice (dvije cisterne i četiri vatrogasca) u Busovaču kao pomoć navedenoj Općini u otklanjanju posljedica od poplava. Pripadnici Profesionalne vatrogasne jedinice Kantonalne uprave civilne zaštite Kantona Sarajevo su u toku jučerašnjeg dana bili angažovani na otklanjanju posljedica od poplava i na snabdijevanju stanovništva ugroženih područja Općine Busovača sa pitkom vodom. Također, navedene snage Kantonalna uprava civilne zaštite Kantona Sarajevo, će biti i danas angažovane na otklanjanju posljedica od poplava i na snabdijevanju stanovništva ugroženih područja Općine Busovača sa pitkom vodom.



Općinski operativni centar civilne zaštite Hadžići: Dana, 05.02.2019. godine prijavljeno je aktiviranje klizišta u naselju Gornja Raštelica br. 5. Ekipe Civilne zaštite Općine Hadžići je izašla na teren, te je na licu mjesta ustanovljeno da se radi o klizištu u neposrednoj blizini naseljenog stambenog objekta. Kontaktiran je Zavod za izgradnju Kantona Sarajevo i sa ovlaštenom osobom je dogovoreno da se dana, 06.02.2019. godine izađe na teren s ciljem poduzimanja potrebnih mjera i aktivnosti.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 05.02.2019. godine u 08:47 sati od Policijske stanice Hadžići, da je u ul. Žunovačka bb, pronađen jedan tromblon.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedeno neeksplozivno ubojno sredstvo preuzli isti dan.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su dvije manje intervencije i to: jednu intervenciju na gašenju zapaljenog smeća u napuštenom objektu i jedno obezbjeđenje sportskog događaja.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 0°C, vlažnost zraka 92%, barometarski pritisak 949 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1